

杜工部集  
卷之八

七八


土岐文庫  
文庫17  
W108  
4













文庫 17  
W108  
4

杜工部集卷七目錄

古詩四十九首

八哀詩 并序

王公思禮

李公光弼

鄭國公嚴武

汝陽王璣

李公邕

杜工部集卷七目錄

昭和六十年二月一日  
土佐善庵氏寄贈

010185191260



蘇公源明

鄭公虔

張公九齡

寫懷二首

可歎

觀公孫大娘弟子舞劍器行 并序

往在

昔遊

壯遊

遣懷

同元使君春陵行 并序

春陵行 元結

賊退示官吏 元結

李潮八分小篆歌

覽栢中允兼子姪數人除官制詞因述父子兄

弟四美載歌絲綸



聽楊氏歌

荆南兵馬使太常卿趙公大食刀歌

王兵馬使二角鷹

狄明府

秋風二首

久雨期王將軍不至

別李秘書始興寺所居

虎牙行

錦樹行

赤霄行

前苦寒行二首

後苦寒二首

晚晴

復陰

夜歸

寄栢學士林居



寄從孫崇簡

奉酬薛十二丈判官見贈

醉爲馬墜諸公攜酒相看

別李義

送高司直尋封閬州

君不見簡蘇侯

贈蘇侯

寄薛三郎中

大覺高僧蘭若

杜工部集卷七目錄終





八哀詩自是鉅  
篇顧多鈍拙不  
可曉何也○八  
哀詩本非集中  
高作世多稱之  
不敢議皆揣  
中累句須痛刊  
之方善石林葉  
氏之言其識勝  
崔德符多矣子  
居易錄中詳之

杜工部集卷七

古詩四十九首居夔州作

八哀詩并序

傷時盜賊未息興起王公李公歎舊懷賢終于張  
相國八公前後存沒遂不詮次焉

贈司空王公思禮高麗人

司空出東夷童稚刷勁翮追隨燕薊兒穎銳一作物  
不隔服事哥舒翰意無晉作氣無流沙磧未甚拔行間犬



八哀詩鋪敘結  
密波瀾固不  
當於句字間論  
工拙也葉石林  
謂八篇本非集  
中高世而世多  
尊稱不敢讀其  
病益傷於多又  
云中多男何二  
病實亦不免正  
是無妨大家

戎大充斥短小精悍姿屹然強寇敵貫穿百萬眾出  
八由咫尺馬鞍懸將首甲外控鳴鏑洗劍青海水刻  
銘天山石九曲非外蕃其王轉深壁飛兔不近駕鷲  
鳥資遠擊曉達兵家流飽聞春秋癖胸襟日沉靜肅  
肅晉作自有適潼關初潰散萬乘猶辟易偏裨無所  
施元帥見手格太子入朔方至尊狩梁益胡馬纏伊  
洛中原氣甚逆肅宗登寶位塞望勢敦迫一作公時  
徒步至請罪將厚責際會清河公間道傳玉册天王

拜跪畢讜議果冰釋翠華卷飛雪一云飛雪中熊虎巨阡  
陌屯兵鳳凰山帳殿涇渭關金城賊咽喉詔鎮雄所  
搯禁暴清一作靖無雙爽氣春淅瀝巷有從公歌野  
多青青麥及夫哭廟後復領太原役恐懼祿位高悵  
望王土窄不得見清時嗚呼就窀穸一作空繫五湖  
舟悲甚田橫客千秋汾晉間事與雲水白昔觀文苑  
傳豈述廉藺績一作蹟嗟嗟晉作鄧大夫士卒終倒戟

故司徒李公光弼廣德二年七月卒



司徒天寶末北收晉陽甲胡一作騎攻吾城愁寂意

不愜人安若泰山薊北斷右脅朔方氣乃一作蘇黎

首見帝業二宮泣西郊九廟起頽壓未散河陽卒思

明偽臣妾復自碣石來火焚乾坤獵高視笑祿山公

又大獻捷一云獻大捷異王冊崇勳小敵信所怯擁兵鎮

河汴千里初妥帖青蠅紛一作營營風雨秋一葉內

省未八朝苑淚終映睫大屋去高棟長城埽遺堞平

生白羽扇零落蛟龍匣雅望與一作英姿惻愴槐里

接三軍晦光彩烈士痛稠疊直筆在史臣將來洗箱

篋吾思哭孤冢南紀阻歸楫扶顛永蕭條未濟失利

涉疲茶竟何人洒涕巴東峽

贈左僕射鄭國公嚴公武永泰元年卒

鄭公瑚璉器華岳金天晶昔在童子日已聞老成名

嶷然大賢後復見秀骨清開口取將相小心事友生

閱書百紙一云盡落筆四座驚歷職匪父任嫉邪常

力爭漢儀尚整肅胡騎忽縱橫飛傳白河隴逢人問



京兆四語亦是  
累句  
京兆一句註引  
張敬走馬及鄭  
崇事

公卿不知萬乘一作乘輿出雪涕風悲鳴受詞劔閣道謁  
帝蕭關城寂寞雲臺仗飄飄沙塞旌江山少使者笳  
鼓凝皇情壯士血相視一作見忠臣氣不一作未平密論  
貞觀體揮發岐陽征感激動四極聯翩收二京西郊  
牛酒再一作至原廟丹青明匡汲俄寵辱衛霍竟哀榮  
四登會府地三掌華陽兵京兆空柳色一作市尚書無  
履聲羣鳥自朝夕白馬休橫行諸葛蜀人愛文翁儒  
化成公來雪山重公去雪山輕記室得何遜韜鈴延

子荆四郊失壁壘虛館開逢迎堂上指圖一作書畫軍  
中吹玉笙豈無成都酒憂國只細傾時觀錦水釣問  
俗終相并意待犬戎滅人藏紅粟盈以茲報主願庶  
或一作獲裨世程炯炯一心在沉沉二豎嬰顏回竟短  
折賈誼徒忠貞飛旄出江漢孤舟轉荆衡虛無舊本  
作本作虛橫橫字馬融笛悵望龍驤瑩空餘老賓客  
時蓋公自况也身上愧簪纓

贈太子太師汝陽郡王璡天寶九載卒



此起亦如太  
公子直氣每

上文必撰

八哀詩往往多  
宏句雅句

汝陽讓帝子眉宇真天人虬鬚似太宗色映塞外一作  
寒春往者開元中主恩視遇頻出入獨非時禮畢見  
羣臣愛其謹潔極倍此骨肉親從容聽退一作朝後或  
在風雪晨忽思格猛獸苑囿騰清塵羽旗動若一萬  
馬肅駢駢詔王來射雁拜命已挺身箭出飛鞞內上  
又一作回翠麟翻然紫塞翻下拂明月輪胡人雖獲  
多天笑不為新王每中一物手自與金銀袖中諫獵  
書叩馬久上陳竟無銜糜虞聖聰一作矧多仁官免

舊評千言萬恨  
隨有餘情

供給費水有在藻鱗匪唯帝老大皆是王忠勤晚年  
務置醴門引申白賓道大容無能永懷待芳茵好學  
尚貞烈義形必需巾揮翰綺繡揚篇什若有神川廣  
不可泝墓久狐兔鄰宛彼漢中郡文雅見天倫何以  
開一作慰我悲泛舟俱遠津温温昔風味少壯已書紳  
舊遊易磨滅衰謝增一作酸辛

贈秘書監江夏李公邕

長嘯宇宙間高才日陵淪一作替古人不可見前輩復



誰繼憶昔李公存詞林有根柢聲華當健筆灑落富  
 清製風流散金石追琢山岳銳情窮造化理學貫天  
 人際干謁走其門碑版照四裔各滿深望還森然起  
 凡例蕭蕭白楊路洞徹晉作潤寶珠惠龍宮塔廟湧寺觀  
 湧浩劫浮雲一作空衛宗儒俎豆事故吏去思計眇眇  
 已皆虛跋涉曾不泥向來映當時豈獨一作特勸後世  
 豐屋珊瑚鈎騏驎織成罽紫驕隨劔几義取無虛歲  
 分宅脫驂間感激懷未濟眾歸賙給美擺落多藏晉作

力太拖沓

文士豪華俠縱之氣宛然

不倫

往者以下序色之負氣節而屢遭貶斥也

小臣幾舊註指吉溫事似已又引左傳與小臣小臣幾語亦不切

賊賦獨步四十年風聽九臯唳嗚呼江夏姿竟掩宣  
 尼袂往者武后朝引用多寵嬖否臧太常議面折二  
晉作張勢衰俗凜生風排蕩秋旻霽忠貞負冤晉作  
 恨宮闕深旒綴放逐早聯翩低垂困爰厲日斜鵬鳥  
 入魂斷蒼梧帝榮一作策枯走不暇星駕無安稅幾分  
 漢廷竹鳳擁文侯篲終悲洛陽獄事近小臣一作敝  
 禍階初負謫易力何深齊伊昔臨淄亭酒酣托末契  
 重敘東都別朝陰改軒砌論文到崔蘇指晉作推盡流



水逝近伏盈川雄楊桐未甘特進麗李嶠是非張相國燕公

說相扼一危脆爭名古豈然鍵捷英華作關鍵注云鍵捷二字廣韻通

用歛不閉例一作及吾家詩曠懷掃氛翳慷慨嗣真

作和李大夫咨嗟玉山桂鍾律儼高懸鯤鯨噴迢遶坡隨

青州血蕪沒汶陽瘞哀贈竟蕭條恩波延揭厲子孫

存如綫舊客舟凝滯君臣尙論兵將帥接燕薊朗咏

六公篇張桓等五王憂來豁蒙蔽

故秘書少監武功蘇公源明

武公少也孤徒步客一作寓徐充讀書東岳中十載考

墳典時下萊蕪郭忍饑浮雲嚙負米晚為身每食臉

必泣夜字照燕薪垢衣生一作世帶碧蘇庶以勤苦志報

茲劬勞顯一作願學蔚醇儒姿文包舊史善灑落一作淚

辭幽人歸來潛京輦射君東堂策魯作射策君東堂宗匠集

精選制可題一作制未乾乙科一作休聲已大闡文章日

自負吏祿晉作掾吏亦累踐晨趨闔闔內足踏宿昔跡一

麾出守還黃屋朔風卷不暇陪八駿虜庭悲所遣平

用事往往妙於此

應起句少孤

不受偽官欠發得精采



祥山臨京師源  
明以病不受偽  
暑得權知制誥  
故有茂松之况

舊本四語應存

多不可解

生滿樽酒斷此朋知展憂憤病二秋有恨石一作可

轉肅宗復社稷得無逆順辨范粲顧其兒李斯憶黃

犬秘書茂松意文苑英華云秘書茂松色屢扈祠壇  
壇前後百卷文枕藉皆禁衛篆刻揚

雄流溟漲本末淺王仲正本屢扈作再從篆刻制作溟漲本末淺青熒芙蓉

劍犀兕豈獨剽反為後輩褻予實苦懷緬煌煌齋房

芝事絕萬手牽垂之俟來者正始徵一作貞勸勉不

要一作惡懸黃金胡為投乳一作亂贇一作賢結交三十載吾與

誰遊衍滎陽復冥冥罪罟已橫胃音滋嗚呼子逝日始

泰則晉作終蹇長安米萬錢凋喪盡餘喘戰伐何當

解歸帆阻清沔尚纏漳水疾永負蒿里饑

故著作郎貶台州司戶滎陽鄭公虔

鷄鵠至魯門不識鐘鼓饗孔翠望赤霄愁思一作雕

籠養滎陽冠眾儒早聞名公賞地崇士大夫况乃氣

精爽待者公在疾蘇許公頌位尊望重素未相識早  
愛才名躬自哀問後結忘年之契遠邇嘉之

天然生知姿學立游夏上神農極闕漏黃石愧師長

藥纂西極一作城名兵流指諸掌公著蒼葢等諸書之  
外又撰胡本草七卷



形容其入籍博  
多能妙絕矣

替他出脫污僞  
之罪用意深至

貫穿無遺恨。蒼藂何技癢。圭臬星經奧。蟲篆丹青廣。  
子雲窺未遍。方朔諧太枉。神翰顧不一。體變鍾兼兩。  
文傳天下口。大字猶在榜。昔獻書畫圖。新詩亦俱往。  
滄洲動玉陛。宣一作知鶴誤一響。三絕自御題。四方尤  
所仰。嗜酒益疎放。彈琴視天壤。形骸實土木。親近唯  
几杖。未曾寄魯作官曹。突兀倚書幌。晚就芸香閣。胡  
塵昏坱莽。反覆歸聖朝。點染無滌盪。老蒙台州掾。泛  
泛英華作瀨江。漿履穿四明。雪飢拾檣溪。椽空聞紫

汗字甚甚

芝歌不見杏壇丈。天長眺東南。秋色餘颺颺。別離慘  
至今。斑白徒懷曩。春深秦一作秦山秀。葉墜清渭朗。劇  
談王侯門。野稅林下鞅。操紙終夕酣。時物集遐想。詞  
場竟疎闊。平昔濫吹晉作獎。百年見存沒。牢落吾安  
放。一作蕭條阮咸在。出處同世網。他日訪江樓。含悽  
述飄蕩。

故右僕射相國

英華有曲江二字

張公九齡

開元八年七月

卒



獨此為劣

舊評九齡大節  
惟論祿山此既  
不甚白未亦不  
及用祭始失畫  
意

此與蘇源明篇  
異何實亦不免

相國生南紀金璞無留礦仙鶴下人間獨立霜毛整

矯然江海一作漢思復與雲路永寂寞想土一作玉階未

遑等箕穎上君白玉堂倚君金華省碣石一作竭力一作歲崢

嶸天地一作池日蛙黽退食吟大庭何心記一作託榛梗

骨驚畏曩哲鬢一作鬚變負人境雖蒙換蟬冠右地慙

多幸敢忘一作志二疏歸痛迫蘇耽井紫綬一作金紫映暮

年荆州謝所領庾公興不淺黃霸鎮每靜賓客引調

同諷詠在務屏詩罷地有餘一云詩地能有餘篇終語清省

一陽發陰管淑氣含公鼎乃知君子心用才文章境

散帙起翠螭倚薄巫廬並綺麗元暉擁牋誅任昉騁

自我一作成一家則一作削未缺隻字警千秋滄海南名

繫朱鳥影歸老守故林戀闕情一作嘗延頸波濤良史

筆蕪絕大庾嶺向時禮數隔制作難上請再讀徐孺

碑猶思理烟艇

寫懷二首

勞生共乾坤何處異風俗冉冉自趨競行行見羈束

二首絕妙難以  
逐句賞也



達人之言

無貴賤不悲無富貧亦足萬古一骸骨鄰家遞歌哭  
鄙夫到巫峽三歲如轉燭全命甘留滯忘情任榮辱  
朝班及暮齒日給還脫粟編蓬石城東採藥山北一作  
林谷用心霜雪間不必條蔓綠非關故安排曾是順  
幽獨達士如弦直小人似鈎曲曲直我不知負暄候  
樵牧結語近道

淵明佳境

夜深坐南軒明月照我鄰驚風翻河漢梁棟已出日  
一作日羣生各一宿飛動自儔匹吾亦驅其兒營營

結語不甚可解

巽極語甚凡

為私實晉作室天寒行旅稀歲暮日月疾榮名忽正一  
中人世亂如蟣虱古者三皇前滿腹志願畢胡為有  
結繩陷此膠與漆禍首燧人氏厲階董狐筆君看燈  
燭張轉使飛蛾密放神八極外俯仰俱蕭瑟終契如  
往還一云終然契真如得匪合仙術一作歸匪金仙術

可歎

天上浮雲如一作似白衣斯須改變如蒼狗古往今來  
共一時人生萬事無不有近者抉眼去其夫陳作河



雜亂純拙皆不可讀

東女兒身姓柳。丈夫正色動引經。鄴城客子王季友。羣書萬卷常暗誦。孝經一通看在手。貧窮老瘦家賣屐。履一作好事就之為攜酒。豫章太守高帝孫。引為賓客敬頗久。聞一作道三年未曾語。小心恐懼閉其口。太守得之更不疑。人生反覆看亦醜。明月無瑕豈容易。紫氣鬱鬱猶衝斗。時危可仗真豪俊。二人得置君側否。太守頃者領山南。邦人思之比父母。王生早曾拜顏色。高山之外皆培塿。用為義和天為成。用平水

土地為厚王也論道阻江湖。李也丞疑曠前後。死為星辰終不滅。致君堯舜焉肯朽。吾輩碌碌飽飯行。風后力牧長廻首。

觀公孫大娘弟子舞劍器行

井序劍器古武舞之曲名其舞用女妓雄粧空手而舞

大曆二年十月十九日夔府別駕元持一作特宅見臨穎李十二娘舞劍器壯其蔚跂問其所師一本此下有字有曰余公孫大娘弟子也。開元三載一作五載時公年六歲公七齡思即壯六歲觀劍似無不可詩云五十年間似反掌自開元五年至是年凡五十一年草



長孫無忌以烏  
羊毛爲渾脫  
帽人多效之謂  
之趙公渾脫因  
濱以爲舞

堂注云疑作  
十二載誤也  
余尙童穉記於郾城觀公孫氏舞劍  
器渾脫瀏灑頓挫獨出冠時自高頭宜春梨園二  
伎一作坊內人洎外供奉曉是舞者聖文神武皇  
帝初公孫一人而已玉貌錦一作衣况余白首今  
茲弟子亦匪盛顏既辨其由來知波瀾莫二撫事  
慷慨聊爲劍器行往者吳人張旭善草書書帖數  
常於鄴一作縣見公孫大娘舞西河劍器自此草  
書長進豪蕩感激卽公孫可知矣

詩亦極渾脫瀏  
灑頓挫之妙

自是佳篇然中  
少奇聲處

刻畫至極  
如許中  
若言不遠也

昔有佳人公孫氏一舞劍器動四方觀者如山色沮  
喪天地爲之久低昂耀音如羿射九日落矯如羣帝  
驂龍翔來一作末如雷霆收震怒罷如江海凝清光絳  
唇珠袖兩寂寞况一作陳作晚有弟子傳芬芳臨穎美人  
在白帝妙舞此曲神揚揚與余問荅既有以感時撫  
事增惋傷先帝一作皇侍女八千人公孫劍器初第一  
五十年間似反掌風塵傾動一作洞昏王室梨園子弟  
散如烟女樂餘姿映寒日金粟堆南木已拱瞿唐石



城草一作暮蕭瑟玳筵急管曲復終樂極哀來月東出  
老夫不知其所往足滿荒山轉愁疾一作寂

往在

往在西京日一作時胡來滿彤一作丹宮中宵焚九廟雲

漢為之紅解瓦飛十里總帷紛一作粉會空疚心惜木

主一一灰悲風合昏排鐵騎清旭散錦驪一作蒙賊臣

表逆節晉作帥相賀以成功是時妃嬪戮連為糞土叢

當宁陷玉座白問剝盡蟲不知二聖處私泣百歲翁

雖是大篇末則  
衰乏

車駕既云還楹桷歛穹崇故老復涕泗祠官樹椅桐

宏壯不如初已見帝力雄前春禮郊廟祀事親聖躬

微軀忝近臣景從陪羣公登階捧玉冊一作晁耿聆一作

金鍾侍祠恩先露一作雷掖垣邇濯龍天子惟孝孫五

雲起九重鏡奩換粉黛翠羽猶葱籠前者厭羯胡後

來遭犬戎俎豆腐一作齋膾肉采臄行角弓安得自西

極申命空山東盡驅詣闕下士庶塞關中主將曉逆

順元元歸始終一朝自罪已一作云罪萬里車書通鋒



燒燬不備北征之亞

鏘供鋤犁征戍聽所從。冗官各復業。土著還力農。君臣節儉足朝野。歡呼一作娛同中興。似一作比國初繼體。如太宗端拱。納諫諍。和風日冲融。赤墀櫻桃枝。隱映銀絲籠。千春薦陵寢。永永垂無窮。京都不再火。涇渭開愁容。歸號故松栢。老去苦飄蓬。

昔遊

亦佳篇也

昔者與高李。白適一作同登單父臺。寒蕪際碣石。萬里風雲來。桑柘葉如雨。飛藿去一作共徘徊。清霜大澤凍。

越手便似高李。豈非化工。

如此起而後不稱可惜。

禽獸有餘哀。是時倉廩實。洞達寰區。一作開猛士思滅胡。將帥望三台。君王無所惜。駕馭英雄材。幽燕盛用武。供給亦勞哉。吳門轉粟帛。泛海陵蓬萊。肉食三一作十萬獵射起。黃埃隔河憶。長眺青歲已。摧頽不及少年日。無復故人盃。賦詩獨流涕。亂世想賢才有一作能市駿骨。莫恨少龍媒。商山議得失。蜀主脫嫌疑。呂尚封國邑。內云傳說已鹽梅。景晏楚山深。水鶴去低回。龐公任本性。攜子臥蒼苔。



鋪敘非比流麗  
暢竭不必作奇  
力量正不易到  
豪邁奇偉無一  
字一句不穩貼  
此乃可見老杜  
神力欲學者宜  
於此處參究

壯遊

長篇中最高為跌蕩

往昔一作者十四五出遊一作八翰墨場斯文崔魏徒崔鄭

州尚魏豫以我似一作比班揚七齡思即壯開口詠鳳

凰九齡書大字有作成一作囊性豪業嗜酒嫉惡懷剛

腸脫畧一作落小時輩結交皆老蒼飲酣視八極俗物

都茫茫東下姑蘇臺已具浮海航到今有遺恨不得

窮扶桑王謝風流遠闔廬邱墓荒劔池石壁仄長洲

荷芰香嵯峨闔門北清廟映迴池一作塘每趨吳太伯

撫事淚浪浪枕戈憶勾踐渡浙想秦皇蒸魚聞七首

除道晒要章越女天下白鑑湖五月涼剡溪蘊秀異

欲罷不能忘歸帆拂天姥中歲貢舊鄉氣劇屈賈壘

目一作日短曹劉牆忤下考功第獨辭京尹堂放蕩齊

趙間裘馬頗清狂春歌叢臺上冬獵青丘旁呼鷹阜

落一作紫檉晉作林逐獸雲雪岡射飛曾縱鞚一作跋引臂

落鴉鴛蘇侯據鞍喜監門曹忽如攜葛強快意八九

年西歸到咸陽許與必詞伯賞一作貴遊實賢王曳裾



置醴地。奏賦入明光。天子廢食召羣公會。軒裳脫身  
 無所愛。一作受痛飲信行藏。黑貂不一作寧免。敝斑鬢兀  
 稱觴杜曲晚。一作換耆舊四郊多。白楊坐深鄉黨敬。日  
 自一作覺覺死生忙。朱門任一作務傾奪。赤族迭罹殃。國馬  
 竭粟豆。官糶輸稻梁。舉隅見煩費。引古惜興亡。河朔  
 風塵起。岷山行幸長。兩宮各警蹕。萬里遙相望。崆峒  
 殺氣黑。少海旌旗黃。禹功亦命子。涿鹿親戎行。翠華  
 擁英一作吳岳。螭虎瞰豺狼。爪牙一不中。胡兵更陸梁。

雨韻

大一作天軍載草草。凋瘵滿膏肓。負竊補衮憂憤心。  
 飛揚上感九廟焚。一作毀下憫萬民。一作蒼生瘡斯時伏青  
 蒲。廷爭守御床。君辱敢愛死。赫怒幸無傷。聖哲體仁  
 恕。字縣復小康。哭廟灰燼中。鼻酸朝未央。小臣議論  
 絕。老病客殊方。鬱鬱苦不展。羽翮困低昂。秋風動哀  
 壑。碧蕙捐一作損微芳。之推避賞從。漁父濯滄浪。榮華  
 敵勲業。歲暮有嚴霜。吾觀鴟夷子。才格出尋常。羣凶  
 逆未定。側佇英俊翔。



遣懷

昔我遊宋中，惟梁孝王都。名今陳留亞，劇則貝魏俱。  
 邑中九萬家，高棟照通衢。舟車半天下，主客多歡娛。  
 白刃讐不義，黃金傾有無。殺人紅塵裏，報荅在斯須。  
 憶與高李輩，適論交入酒壚。兩公壯藻思，得我色敷腴。  
 氣酣登吹臺，一作臺懷古視平蕪。芒碭雲一去，雁鶩空相呼。  
 先帝正好武，寰海未凋枯。猛將收西域，長戟破林胡。  
 百萬攻一城，獻捷不云輸。組練棄如泥，尺土

知已勝遊終身  
懷抱故屢形之  
篇什不厭其煩

負一作勝百夫拓境功，未已元和辭。大爐亂離朋友盡，  
 合沓歲月徂。吾衰將焉託，存沒再嗚呼。蕭條益堪愧，  
 獨在天一隅。一云蕭條病益甚塊獨天一隅乘黃已去矣，凡馬徒區區。  
 不復見顏鮑，繫舟臥荆巫。臨殮吐更食，常恐違撫孤。

同元使君春陵行 并序

覽道州元使君結春陵行，兼賊退後示官吏作二首。志之曰：當天子分憂之地，效漢官舊作良吏之



目今盜賊未息知民疾苦得結輩十數公落落然  
參錯天下為邦伯萬物吐晉作氣天下少一作安

可得矣一作不意復見比興體制微婉頓挫之詞

感而有詩增諸卷軸簡知我者不必寄元晉作

遭亂髮盡一作白轉衰病相嬰一作沉綿盜賊際狼

狽江漢行歎時藥力薄為客羸瘵成吾人詩家秀一作

流博采世上名粲粲元道州前聖畏後生觀乎春陵

作歛見俊哲情復覽賊退篇結也實國楨賈誼昔流

勸匡衡常引經道州憂一作黎庶詞氣浩縱橫兩章

對秋月一作一字偕一作華星致君唐虞際純樸憶

一作大庭何時降璽書用爾為丹青獄訟永衰息豈

唯偃甲兵悽惻念誅求薄斂近休明乃知正人意不

苟飛長纓涼颺振南岳之子寵若驚晉作阻晉作金印

大興含滄浪一作清我多長卿病日夕思朝廷肺枯

渴太甚漂泊公孫城呼兒具紙筆隱几臨軒楹作詩

呻吟內墨淡字欹傾感彼危苦詞庶幾知者聽



春陵行 有序

元結

癸卯歲漫叟授道州刺史道州舊四萬餘戶經賊  
 已來不滿四千大半不勝賦稅到官未五十日承  
 諸使徵求符牒二百餘封皆曰失其限者罪至貶  
 削於戲若悉應其命則州縣破亂刺史欲焉逃罪  
 若不應命又即獲罪戾必不免也吾將守官靜以  
 安人待罪而已此州是春陵故地故作春陵行以  
 達下情

次山二首村樸  
 之中自有老氣  
 此種詩亦不易  
 學

軍國多所須切責在有司有司臨郡縣刑法竟一作意  
 欲施供給豈不憂徵斂又可悲州小經亂亡遺人實  
 困疲大鄉無十家大族命單羸朝殮是草根暮食乃  
 樹皮出言氣欲絕意速行步遲追呼尚不忍况乃鞭  
 朴之郵亭傳急符來往迹相追更無寬大恩但有迫  
 促期欲令鬻兒女言發恐亂隨悉使索其家而又無  
 生資聽彼道路言怨傷誰復知去冬山賊來殺奪幾  
 無遺所願見王官撫養以惠慈奈何重驅逐不使存



活為安人天子命符節吾所持州縣忽亂亡得罪復  
是誰通緩違詔令蒙責固所宜前賢重守分惡以禍  
福一作移亦云貴守官不愛一作能適時顧唯孱弱  
者正直當不虧何人採國風吾欲獻此辭

○賊退示官吏有序

元結

癸卯歲西原賊入道州殺掠一云焚燒殺掠幾盡而去明  
年賊又攻永破邵不犯此州邊鄙而退豈力能制  
敵蓋蒙其傷憐而已諸使何為忍苦徵斂故作詩

一篇以示官吏

昔歲逢太平山林二十年泉源在庭戶洞壑當門前  
井稅有常期日晏猶得眠忽然遭世變數歲親戎旃  
今來典斯郡山夷又紛然城小賊不屠人貧傷可憐  
是以陷鄰境此州獨見全使臣將王命豈不如賊焉  
今彼徵斂者迫之如火煎誰能絕人命以作時世賢  
思欲委符節引竿自刺船將家就魚菱一作窮歸  
老江湖邊



李潮八分小篆歌

蒼頡鳥跡既茫昧，字體變化如浮雲。陳倉石鼓又作一作文已訛，大小二篆生八分。秦有李斯漢蔡邕，中間作者寂不聞。嶧山之碑，野火焚棗木，傳刻肥失真。苦縣光和尚骨立，書一作書畫貴瘦硬方通。神惜哉，李蔡不復一作得吾甥。李潮下筆親，尚書韓擇木，騎曹蔡有鄰。開元已來數八分，潮也奄有二子成三人。况潮小篆逼秦相，快劍長戟森相向。八分一字直百千，一作金蛟

奇崛中有典則  
真雅詩也

題甚醜

龍盤挐肉屈強吳，郡張顛誇草書。草書非古空雄壯，豈如吾甥不流宕。丞相中郎丈人行，巴東一作江逢李潮。逾月求我歌，我今衰老才力薄。潮乎潮乎奈汝何。覽柏中允兼子姪，數人除官制詞因述父子兄。

弟四美載歌絲綸

子美乃有此俗筆耶

紛然喪亂際，見此忠孝門。蜀中寇亦甚，柏氏功彌存。深誠補王室，戮力自元昆。三止錦江沸，獨清玉壘昏。高名八竹帛，新渥照乾坤。子弟先卒伍，芝蘭疊璵璠。



同心注師律，洒血在戎軒。絲綸實具載，紱冕已殊恩。  
奉公舉骨肉，誅叛經寒溫。一作暄金甲雪猶凍，朱旗塵  
不翻。每聞戰場說，歛激懦氣奔。聖主國多盜，賢臣官  
則尊。方當節鉞用，必絕稜沴根。吾病日迴首，雲臺誰  
再論。作歌挹盛事，推轂期孤鶩。

聽楊氏歌

佳人絕代歌，獨立發皓齒。滿堂慘不樂，響下清虛裏。  
一作浮雲裏江城帶素月，况乃清夜起。老夫悲暮年，壯士

淚如水。玉盃久寂寞，金管迷宮徵。勿云聽者疲，愚智  
心盡死。古來傑出士，一作事豈待一知己。吾聞昔秦青  
傾側天下耳。

荆南兵馬使太常卿趙公大食刀歌

太常樓船聲，嗷嘈問兵刮。寇趨陳作超下牢，楚地牧出令  
奔飛。百艘猛蛟突，獸紛騰逃。白帝寒城駐錦袍，元冬  
示我胡國刀。壯士短衣頭，虎毛憑軒拔。鞘天爲高翻，  
風轉日木。一作水怒號冰翼雪，淡傷哀狻鐫。錯碧鬩鷗

怪怪奇奇非意  
所至



鵝膏鏘鏘

銛一作鋒已瑩虛

靈一作

秋濤鬼物

撇振辭

陳作亂

坑壕蒼水使者捫赤條龍伯國人罷釣鼇芮公廻首

顏色勞分闔救世用賢豪趙公玉立高歌起攬環結

佩相終始萬歲持之護天子得君亂絲與君理蜀江

如線針如水一作針荆岑彈丸心未已賊臣惡子休

千紀魑魅魍魎徒為耳妖腰亂領敢欣喜用之不高

亦不庖不似長劍須天倚吁嗟光祿英雄弭大食寶

刀聊可比丹青宛轉麒麟裏光芒六合無泥滓

王兵馬使二角鷹

悲臺蕭颯

一作瑟

石龍窳

字奇

哀壑杓

一作杓

呼

一作汚

沟中有

萬里之長江廻風滔

陳作陷

日孤光動角鷹

一作管

翻倒壯士

臂將軍玉帳軒翠

一云昂

氣二鷹

一作勇

猛腦徐侯

一作徐

綦

墜趙云徐侯綦殊無理義介目如愁胡視天地杉雞

竹兔不自惜溪

一作孩

虎野羊俱辟

一作易

鞬上鋒稜十二

翮將軍勇銳與之敵將軍樹勳起安西崑崙虞泉八

馬蹄白羽曾肉三狡猊敢決豈不與之齊荆南芮公

四語從呼鷹之  
地說起突兀奇  
怪



得將軍亦如角鷹下翔一作人翔雲惡鳥飛飛啄金屋安  
得爾輩開其羣驅出六合梟鸞分

狄明府

博濟一作寄狄明府

梁公會孫我姨弟不見十年官濟濟大賢之後竟陵  
遲浩蕩古今同一體比看叔伯四十人有才無命百  
寮底今者兄弟一百人幾人卓絕秉周禮在汝更用  
文章為長兄白眉復天啟汝門請從曾翁公一云說太  
后當朝多巧詆一作計狄公執政在末年濁河終陳浩

一作不污清濟國嗣初將付諸武公獨廷諍守丹陛禁

中決册

陳作册決請詔

房陵前

一作滿

朝長老皆流涕太

宗社稷一朝正漢官威儀重昭洗時危始識不世才

誰謂荼苦甘如薺汝曹又宜列土一作鼎食身使門戶

多旌檠胡為漂泊岷漢間干謁王侯頗歷抵一作詆况

乃山高水有波秋風蕭蕭露泥泥虎之飢下巉崑蛟

之橫出清泚早歸來黃土泥衣浩然本作黃汚人衣眼易眯

秋風二首

看騷人之遺



不但聲韻寂然  
意亦太素然

此首意韻俱  
有之

作律詩讀格高  
老甚  
趙次昌云寫眼  
前景况宛轉合  
蓄道不盡凄感  
之意

秋風淅淅吹巫山上。牢下牢修水關。吳檣楚柂牽百丈。暖向神成一作都寒未還。要路何日罷長戟。戰自青羞連百一作蠻蠻。中巴不會消息好。暝傳戍鼓長雲間。秋風淅淅吹我衣。東流之外西日微。天清小城擣練急。石古細路行人稀。不知明月為誰好。早晚孤帆他一作夜歸。會將白髮倚庭樹。故園池臺今是非。

久雨期王將軍不至

天山一云雨蕭蕭滯帶一云茅屋空山無以慰幽獨。銳頭

將軍來何遲。令我心中苦不足。數看黃霧亂元雲。時聽巖風折喬木。泉源泠泠雜猿狖。泥滓一云漠漠飢鴻鵠。歲暮窮陰耿未已。人生會面難再得。憶爾腰下鐵絲箭。射殺林中雪色鹿。前者坐皮因問毛。知子歷險人馬勞。異獸如飛星宿落。應弦不礙蒼山高。安得突騎只五千。峩然眉骨皆爾曹。走平亂世相催促。一豁明主正鬱陶。憶一云恨昔范增碎玉斗。未使吳兵着白袍。昏昏闔闔閉氛祲。十月荆南雷怒號。

結甚寂然通無  
著落



別李秘書始興寺所居

不見秘書心若失。及見秘書失心疾。安為動主理。信然我獨覺。子神充實。一作精神實重聞西方止觀經。老身古寺風泠泠。妻兒待我。一作來陳作米且歸去。他日杖藜來細聽。

虎牙行

秋一作花風歙吸。歙晉作歙吹南國。天地慘慘無顏色。洞庭揚波江漢迴。虎牙銅柱皆傾側。巫峽陰岑朔漠氣。峰

不見其佳

亦是相合不其趁初意

巒窈窕。谿谿谷。黑杜鵑。不來猿狖寒。一作啼山鬼幽愛雪。霜逼楚老長。嗟憶爰瘴。三尺角弓兩斛力。壁立石城橫。塞起金錯旌。竿滿雲直。漁陽突騎獵。青丘犬戎鏃。甲聞丹極八荒十年防盜賊。征戍誅求寡妻哭。遠客中宵淚霑臆。

錦樹行

舊評題曰錦樹使人刮目

今日苦短。昨日休歲。云暮矣。增離憂。霜凋碧樹待。一作荆行一作錦樹萬壑東逝。無停畱。荒戍之城石色古。東郭

起有無限抑鬱亦似太白

信是紊亂但於次第無端由中見一種感慨



老人住青丘飛書白帝營斗粟琴瑟几杖柴門幽青

荆作草萋萋盡枯死天馬跂陳作與驥足隨羸牛自

古聖賢多薄命姦雄惡少皆封侯一作封公侯故國三年

一消息終南渭水寒悠悠五陵豪貴反顛倒鄉里小

兒狐白裘生男墮地要膂力一生一作富貴傾邦國

莫愁父母少黃金天下風塵兒亦得

赤霄行

孔雀未知牛有角渴飲寒泉逢觝觸赤霄元圃須往

豈不欲為其奇  
正自不奇耳

來翠尾金花不辭辱江中淘河嚇飛鷺銜泥却落羞

華屋皇孫猶會蓮勺困衛一作鮑莊見貶傷其足老翁

慎莫怪少年葛亮貴和書有篇丈夫垂名動萬年記

憶細故非高賢

前苦寒行二首

漢時長安雪一丈牛馬毛寒縮如蝟楚江巫峽冰八

懷虎豹哀號又堪記秦城老翁荆揚客慣習炎蒸歲

絺綌元冥祝融氣或交手持白羽未敢釋

都讀不得



短章往往挺勁  
蒼老無敵

夔州後詩真是  
潦倒

去年白帝雪在山今年白帝雪在地凍埋蛟龍南浦  
縮寒刮陳作肌膚北風利楚人四時皆麻衣楚天萬  
里英華無晶輝三足之烏足英華恐斷義和送將何  
所歸一作送送將安歸  
一作送之將安歸

後苦寒行二首

南紀巫廬瘴不絕太古以來無尺雪蠻夷長老怨苦  
寒崑崙天關凍應英華折元猿口噤不能嘯白鵠翅  
垂眼流一作血安得春泥補地裂

晚一作曉來江門邊一作失大木猛風中夜吹英華白屋

天兵斬斷英華青海戎殺氣南行動地軸不爾苦

寒何太其酷巴東之峽生凌斯彼蒼回軒舊作軒人得知

晚晴

不成語

高唐暮冬雪壯哉舊瘴無復似塵埃崖沈谷沒白皚  
皚江石缺裂青楓摧南天三旬苦霧開赤日照耀從  
西來六龍寒急光徘徊照我衰顏忽落地口雖吟咏  
心中哀未怪及時少年子揚眉結義黃金臺泊陳作



乎吾生何飄零支離委絕同死灰

復陰

方冬合沓元陰塞。昨日晚晴今日黑。萬里飛蓬映天  
過孤城樹羽揚風直。江濤簸一作岸黃沙走雲雪埋  
山蒼兕吼君不見夔子之國杜陵翁。牙齒半落左耳  
聾。

夜歸

夜來歸來衝虎過。山黑家中已眠臥。傍見北斗向江

自作一種聲音  
理實之態

低仰看明星當空大庭前把燭喚一作兩炬峽口驚  
猿聞一箇白頭老罷舞復歌。杖藜不睡誰能那。

寄栢學士林居

不成語  
白胡之反持干戈。天下學士亦奔波。歎彼幽棲載典  
籍蕭然暴露依一作山阿。青山萬里幾不可通靜散地白  
雨一洗空垂蘿。亂代飄零余一作到此。古人成敗子  
如何。荆陽春冬異風土。巫峽日夜多雲一作雨。赤葉  
楓林百舌鳴黃泥一作野岸天雞舞。盜賊縱橫甚密



木集卷十  
三  
逾形神寂寞甘辛苦幾時高議排金門各使蒼生有  
環堵

寄從孫崇簡

嗟峨白帝城東西南有龍湫北虎溪吾孫騎曹不騎  
一作馬業學尸鄉多養雞龐公隱時盡室去武陵春  
樹他人迷與汝林居未相失近身藥裏酒長攜牧豎  
樵童亦無賴莫令斬斷青雲梯

奉酬薛十二丈判官見贈

文意錯亂不甚  
可

忽忽峽中睡悲風一作秋方一醒西來有好鳥為我下

青冥羽毛淨一作盡白雪慘澹飛雲汀既蒙主人顧舉

翮喉孤亭持以比佳士及此慰揚船清文動哀玉見

道發新硯欲學鴟夷子待勒燕山銘誰重斷蛇劍云一

及卓氏相如事  
真是不可曉者

國重斬致君君未聽志在麒麟閣無心雲母屏卓氏

解所近新寡豪家朱門一作戶局相如才調逸銀漢會雙星

西樵曰忽八此  
一段不倫不理  
無端之甚

客來洗粉黛日暮拾流螢不是無膏火勸郎勤六經

老夫自汲澗野水日泠泠我歎黑頭白君看銀印青



又曰如嚙語

此段又不倫

臥病識山鬼為農知地形誰矜坐錦帳苦厭食魚腥

東西兩岸圻晉作岸橫一作積水注滄溟碧色忽一作苦

惆悵風雷搜百靈空中右一作有白虎赤節引娉婷自

云帝里一作李女喫雨鳳凰翎襄王薄行跡莫學冷如

丁一作水千秋一拭淚夢覺有微馨人生相感動金石

兩青熒丈人但安坐休辨渭與涇龍蛇尙格鬪洒血

暗郊垆吾聞聰明主治一作活國用輕刑銷兵鑄農器

今古歲方寧文一作天王日儉德俊父始盈庭榮華貴

奇奇正信大手筆

少壯豈食楚江萍

醉為馬墜諸公攜酒相看

甫也諸侯老賓客罷酒酣歌拓金戟騎馬忽憶少年

時散蹄迸落瞿塘石白帝城門水雲外低身直下八

千尺粉堞電轉紫遊韁東得平岡出天壁江村野堂

爭八眼垂鞭一作肩鞞凌紫陌向來皓首驚萬人自

倚紅顏能騎射安知決臆追風足朱汗驂驪猶噴玉

不虞一蹶終損傷人生快意多所辱職當憂戚伏衾



枕况乃遲暮加煩促明朋一作朋知來問腆我顏杖藜強  
起依僮僕語盡還成開口笑提攜別掃清溪曲酒肉  
如山又一時初筵哀絲動豪竹共指西日不相貸喧  
呼且覆盃中淥何必走馬來為問一作不為身君不見嵇  
康養生遭一作被殺戮

別李義

神堯十八子十七王其門道國洎一作及舒國督一作實  
唯親弟昆中外貴賤殊余亦忝諸孫丈人嗣三葉一作

殊不見用意處  
語極觀縷氣苦  
衰齒于美晚年  
有此頹唐之筆

業王之子白玉温道國繼德業請從丈人論丈人領宗  
卿肅穆古制敦先朝納諫諍直氣橫乾坤子建文筆  
壯河間經術存爾克富詩禮骨清慮不喧洗然遇知  
已談論淮湖奔憶昔初見時小孺一作孺繡芳蓀長成  
忽會面慰我久疾魂三峽春冬交江山雲霧昏正宜  
且聚集恨此當離樽莫怪執盃遲我衰涕唾煩重問  
子何之西上岷江源願子少于謁蜀都足戎軒誤失  
將帥意不如親故恩少年早歸來梅花已飛翻努力



慎風水豈惟數盤殮，猛虎卧在岸蛟螭出無痕。王子  
自愛惜老夫困石根，生別古所嗟發聲爲爾吞。

送高司直尋封閩州

丹雀銜書來暮棲，何鄉樹驩驅事天子。辛苦在道路，  
司直非冗官荒山甚無趣。借問泛舟人，胡爲入雲霧。  
與子姻婭間，既親亦有故。萬里長江邊邂逅，一相遇。  
長卿消渴再公幹，沈綿屢清談。慰老夫開卷得佳句，  
時見文章士欣然。淡一作談情素伏枕聞別離，疇能忍。

一字無謂

漂寓良會苦短促，溪行水奔注熊羆咆空林。游子慎  
馳驚西謁巴中侯，艱險如跬步。主人不世才，先帝常  
特顧。拔爲天軍佐，崇大王法度。淮海生清風，南翁尚  
思慕。公宮造廣厦，木石乃無數。初聞伐松柏，猶臥天  
一柱。我瘦一作病書不成，成字讀一作字亦誤爲我問故  
人勞心練征戍。

君不見簡蘇徯

君不見道邊廢棄池，君不見前者摧折桐。百年死樹

矩篇殺語悲壯  
特建



近日湘潭王山  
長有琴詩云一  
斛舊秋水歌益  
本此

中琴瑟一斛舊水藏蛟龍丈夫蓋棺事始定君今幸  
未成老翁何恨憔悴在山中深山窮谷不可處霹靂  
颯颯兼一作狂風

贈蘇四侯

異縣昔同遊各云厭轉蓬別離已五年尙在行李中  
戎馬日衰息乘輿安九重有才何棲棲將老委所窮  
爲郎未爲賤其奈疾病攻子何面黧黑不得豁心胸  
巴蜀倦剽掠一作劫不愚成土風幽薊已削平荒徼尙

老杜好用所字  
用不當者頗多

彎弓斯人脫身來豈非吾道東乾坤雖寬大所適裝  
囊空肉食哂菜色少壯欺老翁况乃主客間古來偏  
側同君今下荆揚獨帆如飛鴻二州豪俠場人馬皆  
自雄一請甘饑寒再請甘養蒙

寄薛三郎中據

人生無賢愚飄飄若埃塵自非得神仙誰免危其身  
與子俱白頭役役常辛苦雖爲尙書郎不及村野人  
憶昔村野人其樂難具陳藹藹桑麻交公侯爲等倫



天未厭戎馬。我輩本常貧。子尚客荊州。我亦滯江濱。  
峽中一臥病。瘡癘終冬春。春復加肺氣。此病益有因。  
早歲與蘇鄭。痛飲情相親。二公化爲土。嗜酒不失真。  
余今委修短。豈得恨命屯。聞子心甚壯。所過信席珍。  
上馬不用扶。每一作忽見扶必怒。嗔賦詩賓客間。揮洒動  
八垠。乃知蓋代手。才力老益神。青草洞庭湖。東浮滄  
海濬。君山可避暑。况足采白蘋。子豈無扁舟。往復江  
漢津。我未下瞿塘。空念禹功勤。聽說松門峽。吐藥攬

衣巾。高秋却束帶。鼓枻視青身。鳳池日澄碧。濟濟多  
士新。余病不能起。健者勿逡巡。上有明哲君。下有行  
化臣。

大覺高僧蘭若

和尚去冬往湖南

巫山不見廬山遠。松林一作蘭若秋風晚。不成語一老猶鳴  
日暮鐘。諸僧尙乞齋時飯。香爐峯色隱晴湖。種杏仙  
家近白榆。飛錫去年啼邑子。獻花何日許門徒。



杜工部集卷七終

杜工部集卷八目錄

古詩四十五首

宿青溪驛懷張員外

敬寄族弟唐十八使君

憶昔行

魏將軍歌

北風

客從



白馬

白鳧行

朱鳳行

惜別行

醉歌行

夜聞簫箒

發劉郎浦

別董頰

送重表姪王砒評事使南海

詠懷二首

送顧八分文學適洪吉州

上水遣懷

遣遇

解憂

宿鑿石浦

早行



過津口

次空靈岸

宿花石戍

早發

次晚洲

望嶽

湘江宴餞斐二端公赴道州

清明

風雨看舟前落花

岳麓山道林二寺行

奉送魏六丈佑少府之交廣

別張十三建封

暮秋枉裴道州手札率爾遣興寄近呈蘇渙侍

御

奉贈李八丈判官

曠

歲晏行



人日寄杜二拾遺高適

追酬故高蜀州人日見寄

蘇大侍御訪江浦賦八韻記異并序

題衡山縣文宣王廟新學堂呈陸宰

入衡州

舟中苦熱遣懷奉呈陽中丞通簡臺省諸公

聶耒陽以僕阻水書致酒肉療飢荒江詩得代

懷興盡本韻至縣呈聶令

杜工部集卷八

古詩四十五首居松陵公安及至湖南作

宿青溪驛奉懷張員外十五兄之緒

漾舟千山內日人泊枉渚我生本飄飄今復在何許

石根青楓林猿鳥聚儔侶月明游子靜畏虎不得語

中夜懷友朋乾坤此深阻浩蕩前後間佳期付荆楚

敬寄族弟唐十八使君

與君陶唐後盛族多其人聖賢冠史籍支派羅源津

眼前景語自然入妙



唐杜先系同所  
自出可徑稱族  
弟今亦通

在今氣磊落巧偽莫敢親介立實吾弟濟時肯殺身  
物白諱受玷行高無污真得罪永泰未放之五溪濱  
鸞鳳有鍛翮先儒曾抱麟雷霆霹長松骨大却生筋  
一失不足傷念子孰自珍泊舟楚宮岸戀闕浩酸辛  
除名配清江厥土巫峽鄰登陸將首途筆札枉所申  
歸朝踟病肺叙舊思重陳春風洪濤壯谷轉頗彌旬  
我能泛中流塘突鼉獺瞋長年已省施慰此貞良臣

憶昔行

憶昔北尋小有洞。洪河怒濤過輕舸。辛勤不見華蓋  
君。良岑青輝慘么麼。千崖無人萬壑靜。三步回頭五  
步坐。秋山眼冷魂未歸。仙賞心違淚交墮。弟子誰依  
白茅石。一作室盧老。獨啓青銅鎖。巾拂香餘搗藥塵。階  
前一作除除灰死燒丹。火元圃滄洲莽空闊。金節羽衣飄  
婀娜。落日初霞閃餘映。倏忽東西無不可。松風礧水  
聲合時。青兕黃熊啼向我。徒然咨嗟撫遺迹。至今夢  
想仍猶佐。一作左祕訣隱文須內教。晚歲何功使作



收願果更討一作衡陽董鍊師南浮一作早鼓瀟湘

魏將軍歌

將軍昔著從事衫鐵馬馳突重兩銜被堅執銳畧西極崑崙月窟東嶄巖君門羽林萬猛士惡若哮虎子所監五年起家列霜戟一日過海收風帆平生流輩徒蠢蠢長安少年氣欲盡魏侯骨聳精爽緊華嶽峯尖見秋隼星纏寶校金盤隨夜騎天駟超天河攬槍

奇警沉鬱

熒惑不敢動翠鞋雲旂相蕩摩吾為子起歌都護酒闌插劔肝膽露鈞陳蒼蒼風元武武暮萬歲千秋奉明主臨江節士安足數

北風

北風破南極朱鳳日威一作垂洞庭秋欲雪鴻雁將安歸十年殺氣盛六合人烟稀吾慕漢初老時清猶茹芝律詩之近古者仍當作律讀乃高

客從



客從南溟來遺我泉客珠珠中有隱字欲辨不成書  
緘之篋笥久以俟公家須開視化為血哀今徵斂無

○白馬

白馬東北來空鞍貫雙箭可憐馬上郎意氣今誰見  
近時主將戮中夜商一作傷於戰喪亂死多門嗚呼淚  
如霰

○白鳧行

君不見黃鵠意謂老翁高于五尺童化為白鳧一作象似一作老翁故

畦遺穗已蕩盡天寒歲一作日暮波濤中鱗介腥羶素  
不食終日忍飢西復東魯門鷄鵠亦蹭蹬聞道如如樊  
于今猶避風

朱鳳行

君不見瀟湘之山衡山高山巔一作巖朱鳳聲一作鳴  
嗷嗷側身長顧求其羣一作曹翅垂口噤心甚勞一作勞  
下愍百鳥在羅網黃雀最小猶難逃願分竹實及螻  
蟻盡使鴟梟相怒號自星比興之遺不必有所指

不成詩



○惜別行送向卿進奉端午御衣之上都

肅宗昔在靈武城指揮猛將收咸京向公亦云向公亦衛伯玉

蓋芮字傳寫之悞泣血洒行殿佐佑卿相乾坤平逆胡冥冥

隨烟燼卿家兄弟功名震麒麟圖一作畫鴻雁行紫

極出入黃金印尚書勲業超千古雄鎮荊州繼吾祖

裁縫雲霧成御衣拜跪題封向吳本端午向卿將命

寸心赤青山落日江湖白卿到朝廷說老翁漂零已

是滄浪客

○醉歌行贈公安顏少府請顧八題壁英華作贈公安縣顏

府一少

神仙中人不易得顏氏之子才孤標天馬長鳴待駕

馭秋鷹整翮當雲霄君不見東吳顧文學君不見西

漢杜陵老詩家筆勢君不嫌詞翰升堂為君掃是日

霜風凍七澤烏蠻落照銜赤壁酒酣耳熱忘頭白感

君意氣無所惜一為歌行歌主客一本云醉歌行歌主客英華

○夜聞箴策

陸健

無可喜處

劉云面前人  
兩不見唐突可  
人



劉云君知干戈  
如此則不復  
行路矣又云  
應唱然

夜聞箴策滄江上。衰年側耳情所嚮。鄰舟一聽多感傷。塞曲三更歛悲壯。積雪飛霜此夜寒。孤燈急管復風奔。一作湍君知天地下。一作干戈滿不見江湖湘。一作行路難。

發劉郎浦

挂帆早發劉郎浦。疾風颯颯昏亭午。舟中無日不沙塵。岸上空村盡豺虎。十日北風風未迴。客行歲晚晚尤一作相催。白頭厭伴漁人宿。黃帽青鞋歸去來。

別董頴

窮冬急風水。逆浪開帆難。士子甘旨闕。不知道里寒。有求彼樂土。南適小長安。別我舟楫去。覺君衣裳單。素聞趙公節。兼盡賓主歡。已結門廬間。一作望無令霜雪殘。老夫纜亦解。脫粟朝未餐。飄蕩兵甲際。幾時懷抱寬。漢陽頗寧靜。峴首試考槃。當念著白帽。一作采薇青雲端。

送重表姪王砮評事使南海

砮力制切說文引詩深則砮



一篇史記此等  
筆方真扛鼎手

我之曾祖吳作姑爾之高祖母爾祖未顯時歸為尙  
書婦也王珪隋朝大業末房杜俱交友長者來在門荒  
年自餬口家貧無供給客位但箕箒俄頃羞頗珍一作  
頗羞寂寥人散後入怪鬢髮空吁嗟為之久自陳剪  
髻鬢鬻市充盃一作酒上云天下亂宜與英俊厚向  
竊窺數公經綸亦俱有次問最少年虬髯十八九子  
等成大名皆因此人手下云風雲合龍虎一吟吼願  
展丈夫雄得辭兒女醜秦王時在坐真氣驚戶牖及

左右字錯綜好

乎貞觀初尙書踐台斗夫人常肩輿上殿稱萬壽六  
宮師柔順法則化妃后至尊均嫂叔盛事垂不朽鳳  
雛無凡毛五色非爾曹往者胡作逆乾坤沸嗷嗷吾  
客左馮翊爾家同遁逃爭奪至徒步塊獨委蓬蒿逗  
畱熱爾腸十里却呼號自下所騎馬右持腰間刀左  
牽紫遊韁飛走使我高荷活到今日寸心銘佩牢亂  
離又聚散宿昔恨滔滔水花笑白首春草隨青袍廷  
評近要津節制收英髦北驅漢陽傳南泛上瀧舫家



未久懲則半意

聲肯墜地利器當秋。毫番禹親賢。領籌運神功操大  
夫出盧宋。樂作宗寶貝休脂膏。洞主降接武海胡。舶千  
艘我欲就丹砂。跋涉覺身勞。安能陷糞土。有志乘鯨  
鼇。或驟鸞騰天。聊樂作不作鶴鳴臯。

詠懷二首

人生貴是男。丈夫重天機。未達善一身。得志行所爲。  
嗟余竟輒軻。將老逢艱危。胡雛逼神器。逆節同所歸。  
河雒化爲血。公侯一侯草間啼。西京復陷沒。翠蓋蒙

塵飛萬姓悲。赤子兩宮棄。紫微倏忽向。二紀奸雄多。  
是非本朝再。樹立未及貞。觀時日給在軍儲。上官督  
有司。高賢迫形勢。豈暇相扶持。疲荼苟懷策。棲屑無  
所施。先王實罪已。愁痛正爲茲。歲月不我與。蹉跎病  
于斯。夜看鄴城氣。回首蛟龍池。好句齒髮已自料。意深陳

苦吳本昔詞

邦危壞法則。聖遠益愁慕。飄飄桂水遊。悵望蒼梧暮。  
潛魚不銜鈎。走鹿無反顧。皦皦幽曠心。拳拳異平素。



衣食相拘閔朋知限流寓風濤上春沙十一作里侵  
刊作江樹逆行少陳作吉日時節空復度井竈任塵  
埃舟航煩數具牽纏加老病瑣細隘俗務萬古一死  
生胡爲足名數多憂汗桃源拙計泥銅柱未辭爰瘴  
毒擺落跋涉懼虎狼窺中原焉得所歷住葛洪及許  
靖避世常此路賢愚誠等差自愛各馳驚羸瘠且如  
何魄奪針灸屢擁滯僮僕慵稽留篙師怒終當挂帆  
席天意難告訴南爲祝融客勉強親杖屨結託老人

星羅浮展衰步

此子美暮年思爲嶺南之行也

送顧八分文學適洪吉州

中郎石經後八分蓋憔悴顧侯運鑪錘筆力破餘地  
昔在開元中韓擇有蔡隣同曩屬元宗妙其書是以數  
子至御札早流傳揄揚非造次三人並入直恩澤各  
不二顧于韓蔡內辨眼工小字分日示英華諸王鈞  
深法更秘文學與我遊蕭疎外聲利追隨二十載浩  
蕩長安醉高歌卿相宅文翰飛省寺視我揚馬間白



此以無精采

首不相棄。驩驅入窮巷。必脫黃金轡。一論朋友難。遲暮敢失墜。古來事反覆。相見橫涕泗。嚮者玉珂人。誰是青雲器。才盡傷形體。一作體病渴汗官位。故舊獨依然。時危話顛躓。我甘多病老。子負憂世志。胡為困衣食。顏色少稱遂。遠作辛苦行。順從衆多意。舟楫無根蒂。蛟鼉好為祟。况兼水賊繁。特戒風颺駛。崩騰戎馬際。一作險往往殺長吏。子干東諸侯。勸一作勤勉防縱恣。邦以民為本。魚鱗費香餌。請哀瘡痍深。告訴皇華使。

使臣精所擇。進德知歷試。惻隱誅求情。固應賢愚異。列一作烈士惡苟得俊。傑思自致贈。子猛虎行。出郊載酸鼻。

○上水遣懷

我衰太平時。身病戎馬後。躑躅多拙為。安得不皓首。驅馳四海內。童稚日餬口。但遇新少年。少逢舊親友。低顏下色地。故人知善誘。後生血氣豪。舉動見老醜。窮迫挫曩懷。常如中風走。一紀出西蜀。于今向南斗。

此結不凡



孤舟亂春華。一作草暮齒依蒲柳。冥冥九疑墓。聖者骨亦一作已朽。蹉跎陶唐人。鞭撻日月久。中間屈賈輩。讒毀竟自取。鬱沒一作悒作二悲魂。蕭條猶在否。齒翠清湘石。逆行雜林藪。篙工密逞巧。氣若酣盃酒。歌謳互激遠。一作作回幹明受一作受授善一作益知應觸類各藉穎。脫手古來經濟才。何事獨罕有蒼蒼衆色。晚熊挂元虵。吼黃鰐在樹顛。正爲羣虎守羸骸。將何適履險。顏益厚。庶與達者論吞聲混瑕垢。

西樵曰鄭繼之謂此等爲杜公滯處其言良甚此老杜延滯處篇篇有之

○ 遣遇

磬折辭主人。開帆駕洪濤。春水滿南國。朱崖雲日高。舟子廢寢食。飄風爭所操。我行匪利涉。謝爾從者勞。石間采蕨女。鬻菜一作市輸官曹。丈夫死百役。暮返空村號。聞見事畧同。刻剝及錐刀。貴人豈不仁。視汝如莠蒿。索錢多門戶。喪亂紛嗷嗷。奈何黠吏徒。漁奪成逋逃。自喜遂生理。花時甘一作貴緼袍。

○ 解憂



常用而未佳

減米散同舟路難思共濟向來雲濤盤衆力亦不細  
呀坑一作帆瞥眼過飛櫓本無蒂得失瞬息間致遠  
宜恐泥百慮視安危分明曩賢計茲理庶可廣拳拳  
期勿替

宿鑿石浦

早宿賓從勞仲春江山麗飄風過無時舟楫敢不作  
敢不繫回塘澹暮色日暮衆星嘒缺月殊未生青燈死  
分翳窮途多俊異亂世少恩惠鄙夫亦放蕩草草頻

妙語不嫌甚道

卒樊作歲斯文憂患餘聖哲垂象繫

早行

歌哭俱在曉行邁有期程孤舟似昨日聞見同一聲  
飛鳥數一作散求食潛魚亦一作向獨驚前王作網罟設  
法害生成碧藻非不茂高帆終日征干戈未一作異揖  
讓崩迫開樊作其情

過津口

南岳自茲近湘流東逝深似初和風引桂楫春日漲雲岑

無可喜者

高帆句竟接不  
倫



回首過津口而多楓樹林白魚困密網黃鳥喧嘉音  
物微限通塞惻隱仁者心瓮餘不盡酒膝有無聲琴  
聖賢兩寂寞眇眇獨開襟

次空靈岸

汙汙逆素浪落落展清眺幸有舟楫遲得盡所歷妙  
空靈霞石峻楓栝一作栝隱奔峭青春猶無一作無私白  
日亦一作已偏照可使營吾居一作屋終焉託長嘯毒瘴  
未足憂兵戈滿邊徼嚮者留遺恨恥為達人誚迴帆

覬賞延佳處領其要

舟行佳境妙寫得出

宿花石戍

午辭空靈岑夕得花石戍岸疏開關水一作山木雜今  
古樹地蒸南風盛春熱西日暮四序本平分氣候何  
迴互茫茫天造問理亂豈恆數繫舟盤藤輪策杖古  
樵路罷人不在村野圃泉自注柴扉雖蕪沒農器尚  
牢固山東殘逆氣吳楚守王度誰能扣君門下令滅  
征賦



早發

有求常百慮，斯文亦吾病。以茲朋故多，窮老驅馳併。  
 早行篙師怠，席挂風不正。昔人戒垂堂，今則奚奔命。  
 濤翻黑蛟躍，日出黃霧映。煩促瘴豈侵，頽倚睡未作。  
 還醒僕夫問，盥櫛暮顏未。一作靦青鏡，隨意簪葛巾。仰  
 慚林花盛，側聞夜來寇。幸喜囊中淨，艱危作遠客。干  
 請傷直性，薇蕨餓首陽。粟馬資厯聘，賤子欲適從。疑  
 悞此二柄。

干請優直性五  
 字情苦節千古  
 直字尤妙非  
 公不能為此  
 同悲

氣勢壯闊稱題

次晚洲

參錯雲石稠，坡陁風濤壯。晚洲適知名，秀色固異狀。  
 棹經垂猿把，身在度鳥上。擺浪散帙妨，危沙折花當。  
 羈離暫愉悅，羸老反惆悵。中原未解兵，吾得終疎放。

望嶽

南嶽配朱鳥，秩禮自百王。歛吸領地靈，鴻一作洞半  
 炎方邦家用，祀典在德非。馨香巡守何，寂寥有虞今。  
 則亡洎一作吾隘世網，行邁越瀟湘。渴日絕壁出，漾



舟清光旁祝融五一作峯尊峯峯次低昂紫蓋獨不  
 朝爭長業相望恭聞魏夫人羣仙夾翱翔有時五峯  
 氣散風如飛霜牽迫限一作恨修途未暇杖崇岡歸來  
 覬命駕沐浴休玉堂三歎問府主曷以贊我皇牲璧  
 忍一作感衰俗神其思降祥

湘江宴餞裴二端公赴道州

白日照舟師朱旗散廣川羣公餞南伯肅肅秩初筵  
 鄙人奉末眷佩服自早年義均骨肉地懷抱罄所宣

盛名富事業無取愧高賢不以喪亂嬰保愛金石堅  
 計拙百寮下氣蘇君子前會合苦不久哀樂本相纏  
 交遊颯向盡宿昔浩茫然促觴激百慮掩抑淚潺湲  
 熱雲集曛黑一作集黑缺月未生天白團為我破華燭  
 蟠長烟鴟鴞一作鴟鴞催明星解袂從此旋上請減  
 兵甲下請安井田永念病渴老附書遠山巔

清明

著處繁花務一作華是一作足日長沙千人萬人出渡頭



翠柳艷明眉爭道朱蹄驕鬪此都好遊湘西寺諸

將亦一作方遠自軍中至馬援征行在眼前葛強山簡

也親近同心事金鐙廣韻鐙與燈同下山紅粉一作日晚牙檣

檣施青樓遠古時喪亂皆可知人世悲歡暫相遣弟

姪雖存不得書干戈未息苦離離一作難居逢迎少壯非

吾道况乃今朝更祓除

○風雨看舟前落花戲為新句

江上人家桃樹枝春寒細雨出疎籬影遭碧水潛勾

引風妬紅花却倒吹吹花困癩一作癩傍舟楫水光風  
力俱相怯赤憎輕薄遮人一作人懷珍重温李之徒分明不來接  
折一作濕久飛遲半日一作欲高縈沙野草細於毛蜜蜂  
蝴蝶生情性一作偷眼蜻蜓避百勞

岳麓山道林二寺行

玉泉之南麓山殊道林林壑爭盤紆寺門高開洞庭  
野殿脚插入赤沙湖五月寒風冷佛一作拂骨六時天  
樂朝香爐地靈步步雪山草僧寶人人滄海珠塔劫

亦不是詩  
俳比蘇麗子美  
七古此又為變  
調蓋承叔子瞻  
之濫觴也



宮牆壯麗敵香石一作厨松道清涼樊作俱蓮花樊陳

池交響共命鳥金榜雙迴三足鳥方丈涉海費時節

元圃尋河知有無暮年且喜經行近春日兼蒙暄暖

扶飄然斑白身將一作奚適傍此烟霞茅可誅桃源人

家易制度橘洲田土仍膏腴潭府邑中甚淳古太守

庭內不喧呼昔遭衰世皆晦迹今幸樂國養微軀依

止老宿亦未晚富貴功名焉足圖久為野謝一作客尋

幽慣細學何當一作問免興孤亦是一重一掩山吾肺腑山

一作鳥山花吾友于宋公也問放逐曾題壁物色分

畱與一作老夫

奉送魏六丈佑少府之交廣

賢豪贊經綸功成空名一作垂子孫不振耀孫沒不

振歷代皆有之鄭公四葉孫長大常苦飢衆中見毛

骨猶是麒麟兒磊落貞觀事致君樸直詞家聲蓋六

合行色何其微遇我蒼梧陰一作忽驚會面稀議論

有餘地公侯來未遲虛思黃金貴一作自笑青雲期

五字中二東二庚韻亦語病



長卿久病渴武帝元同時季子黑貂敝得無妻嫂欺  
尚爲諸侯客獨屈州縣卑南游爰海甸浩蕩從此辭  
窮途仗神道世亂輕土宜解帆歲云暮可與春風歸  
出入朱門家華屋刻蛟螭玉食亞王者樂張游子悲  
侍婢艷傾城綃綺輕一作霧掌中琥珀鍾行酒雙  
透迤新歡繼明燭梁棟星辰飛兩情顧盼合珠碧贈  
于斯上貴見肝膽下貴不相見一作疑心事披寫間氣  
酣達一作遠所爲錯揮鐵如意莫避珊瑚枝始兼一作無

逸邁興終慎賓主儀戎馬聞天宇嗚呼生別離

別張十三建封

嘗讀唐實錄國家草昧初劉裴建首義龍見尙躊躇  
秦王撥亂姿一劔總兵符汾晉爲豐沛暴隋竟滌除  
宗臣則廟食後祀何疎蕪彭城英雄種宜膺將相圖  
爾惟外曾孫倜儻汗血駒眼中萬少年用意盡崎嶇  
相逢長沙亭乍問緒業餘乃吾故人子童叟聯居諸  
揮手洒衰淚仰看八尺軀內外名家流風神蕩江湖

西樵曰視逆王  
碣詩懸甚矣

序及外祖亦太  
崎嶇



范雲堪晚

晉作

友嵇紹自不孤擇材征南幕湖

一作

落回鯨魚載感賈生慟復聞樂毅書主憂急盜賊師  
老荒京都舊丘豈稅駕大厦傾宜扶君臣各有分管  
葛本時須雖當霰雪嚴未覺枯柏枯高義在雲臺嘶  
鳴望天衢羽人掃碧海功業竟何如

暮秋枉裴道州手札率爾遣興寄近呈蘇渙侍

御

久客多枉友朋書素書一月凡一束虛名但蒙寒溫

宋人多慕此種

問。泛。愛。不。救。溝。壑。辱。齒。落。未。是。無。心。人。舌。存。恥。作。窮。  
途。哭。道。州。手。札。適。復。至。紙。長。要。自。三。過。讀。盈。把。那。須。  
滄。海。珠。八。懷。本。倚。崑。山。玉。撥。棄。潭。州。百。斛。酒。蕪。沒。瀟。  
岸。千。株。菊。使。我。晝。立。煩。兒。孫。令。我。夜。坐。費。燈。燭。憶。子。  
初。尉。永嘉。去。紅。顏。白。面。花。映。肉。軍。符。侯。印。取。豈。遲。紫。  
燕。綠。耳。行。甚。速。聖。朝。尚。飛。戰。鬪。塵。濟。世。宜。引。英。俊。人。  
黎。元。愁。痛。會。蘇。息。夸。狄。跋。扈。徒。逡。巡。授。鉞。築。壇。聞。意。  
旨。頽。綱。漏。網。期。彌。綸。郭。欽。上。書。見。大。計。劉。毅。答。詔。驚。



羣臣他日更僕語不淺明公論兵氣益振傾壺簫管  
黑荆一作理白髮舞劍霜雪吹青春宴筵曾語蘇季子  
後來傑出雲孫比茅齋定玉城郭門藥物楚老漁商  
市市北肩輿每聯袂郭南抱甕亦隱几無數將軍西  
第成早作丞相東山起烏雀苦肥秋粟菽蛟龍欲蟄  
寒沙水天下鼓角何時休陣前部曲終日死附書與  
裴因示蘇此生已媿須人扶致君堯舜付公等早據  
要路思捐軀

奉贈李八丈判官

曠

我丈時英特宗枝神堯後珊瑚市則無駮驥人得有  
早年見標格秀氣衝星斗事業富清機官曹正獨守  
頃來樹嘉政皆已傳衆口艱難體貴安冗長吾敢取  
區區猶歷試炯炯更持久討論實解頤操割紛應手  
篋書積諷諫宮闕限奔走八幕未展材一作懷秉鈞孰  
爲偶所親問淹泊泛愛惜衰朽垂白亂一作辭南翁委  
身希北叟真成窮轍鮒或似喪家狗秋枯洞庭石風



楓長沙柳高興激荆衡知音為迴首

歲晏行

歲云暮矣多北風瀟湘洞庭白雪一作中漁父天寒

網罟凍莫徭射雁鳴桑弓去年米貴闕軍食今年米

賤大傷農高馬達官厭酒肉此輩杼軸茅茨空楚人

重魚不重鳥一作汝休枉殺南飛鴻况聞處處鬻男

女割慈忍愛還租庸往日用錢捉私鑄一作鉛今許

錫和青銅刻泥為之最易得好惡不合長相蒙萬國

喜其氣老只在  
參錯中  
不是詩

城頭吹畫角此曲哀怨何時終

人日寄杜二拾遺

高適

人日題詩寄草堂遙憐故人思故鄉柳條弄色不忍

見梅花滿枝空一作堪斷腸身在南一作遠蕃無所預心

懷百憂復千慮今年人日空相憶明年人日一作此知

何處一卧東山二一作三十春豈知書劍與一作老風塵

龍鍾還一作遠忝二千石媿爾東西南北人

追酬故高蜀州人日見寄并序

上集卷八

三



開文書帙中檢所遺忘因得故高常侍適往居在  
 成都時高任蜀州刺史人日相憶見寄詩淚洒行  
 間讀終篇未自枉詩已十餘年莫記存没又六七  
 年矣老病懷舊生意可知今海內忘形故人獨漢  
 中王樊作郡王瑀與昭州敬使君超先在愛而不見情  
 見乎辭大歷五年正月二十一日却追酬高公此  
 作因寄王及敬弟

自蒙

一作枉

蜀州人日作不意清詩久零落今晨散帙

眼忽開一作明迸淚幽吟事如昨嗚呼壯士多慷慨合  
 沓高名動寥廓歎我悽悽求友篇感時鬱鬱匡君畧  
 錦里春光空爛熳瑤墀侍臣已冥寞瀟湘水國傍黿  
 鼉鄠杜秋天失鷗鷺東西南北更誰吳作堪論白首扁  
 舟病獨存遙一作猶拱北辰纏寇盜欲傾東海洗乾坤  
 邊塞西蕃最充斥衣冠南渡多崩奔鼓瑟至今悲帝  
 子曳裾何處覓王門文章曹植波瀾闊服食劉安德  
 業尊長笛誰能一作鄰家亂愁思昭州詞翰與招魂



小序佳

蘇大侍御訪江浦賦八韻紀異 并序

蘇大侍御渙靜者也。旅于江側，凡一作是不交州府之客，人事都絕久矣。肩輿江浦，忽訪老夫舟楫而已。茶酒內，余請誦近詩，肯吟數首。才力素壯，詞句動人。接對明日，憶其湧思，雷出書篋。几杖之外，殷殷留金石聲賦八韻記異，亦見老夫傾倒于蘇至矣。

龐公不浪出，蘇氏今有之。再聞誦新作，突過黃初詩。

乾坤幾泊一云反覆，揚馬宜同時。今晨清鏡中，勝食齋。

房芝余髮喜却變，白間生一作黑絲。昨一作夜舟火

滅一作湘娥簾外悲，百靈未敢刊作散風破一作寒

江遲

題衡山縣文宣王廟新學堂呈陸宰

旄頭彗紫微，無復俎豆事。金甲相排蕩，青衿一憔悴。嗚呼已十年，儒服弊于地。征夫不遑息，學者淪素志。我行洞庭野，欲得文翁肆。旆旆胄子行，若舞風雲至。

便可作修學記



周室宜中興，孔門未應棄。是以資雅才，渙然立新意。  
衡山雖小邑，首唱恢大義。因見縣尹心，根源舊宮闕。  
講堂非曩構，大屋加塗墍。下可容百人，牆隅亦深邃。  
何必三千徒，始壓戎馬氣。林木在庭戶，密幹疊蒼翠。  
有井朱夏時，轆轤凍階祀。耳聞讀書聲，殺伐災髣髴。  
故國延歸望，衰顏減愁思。南紀改陳作波瀾，西河共  
風味。采詩倦跋涉，載筆尙可記。一云常記異高歌激宇宙，  
凡百慎失墜。

○入衡州

兵革自久遠，興衰看帝王。漢儀甚照耀，胡馬何猖狂。  
老將一失律，清邊生戰場。君臣忍瑕垢，河岳空金湯。  
重鎮如割據，輕權絕紀綱。軍州體不一，寬猛性所將。  
嗟彼苦節士，素于圓鑿方。寡妻從爲郡，兀者安堵牆。  
凋弊惜邦本，哀矜存事常。旌麾非其任，府庫實過防。  
怨刊作已獨在此，多憂增內傷。偏裨限酒肉，卒伍單  
衣裳。元惡迷是似，聚謀一作謀洩。康莊竟流帳，下血大

不雀

入衡州與舟中  
苦熱皆紀藏珍  
之亂也然詩實  
不佳沈滯拙澁  
不無頹暮之嘆



降湖南殃烈火發中夜高煙焦上蒼至今分粟帛殺  
氣吹沅湘福善理顛倒明徵天莽茫銷魂避飛鏑累  
足穿豺狼隱忍枳棘荆遷延胝趼瘡遠歸兒侍側猶  
乳女在旁久客幸脫免暮年慙激昂蕭條向水陸汨  
沒隨魚商報主身已老入朝病見妨悠悠委薄俗鬱  
鬱回剛腸參錯走洲渚春容轉林篁片帆左柳岸通  
郭前衡陽華表雲烏埤名園花草香旗亭壯邑屋烽  
櫓蟠城隍中有古刺史盛才冠巖廊扶顛待柱石獨

坐飛風霜昨者間瓊樹高設隨羽觴無論再繾綣已

是安蒼黃劇孟七國畏馬卿四賦良門闢蘇生在蘇生

侍御勇銳白起強問罪富形勢凱歌懸否臧氛埃期

必掃蚊蚋焉能當橘一作井舊地宅仙山引舟航此

行厭暑雨厥土聞清涼諸舅剖符近開緘書札光頻

繁命屢及磊落字百行江摠外家養謝安乘輿長下

流匪珠玉擇木羞鸞凰我師嵇叔夜世賢張子房彼

勸柴荆寄樂土鵬路觀翱翔



○舟中苦熱遣懷奉呈楊中丞通簡臺省諸公

媿為湖外客，看此戎馬亂。中夜混黎暈，脫身亦奔竄。

遇臧玠之亂入衡州平生方寸心，反掌一作當帳下難。嗚呼殺賢

良，不叱白刃散。吾非丈夫特，沒齒埋冰炭。恥以風病

辭，胡然泊湘岸。入舟雖苦熱，垢膩可漑灌。痛彼道邊

人，形骸改昏旦。中丞連帥職，封內權得按。身當問罪

先，縣實諸侯半。士卒既輯睦，啓行促精悍。似聞上游

兵稍逼長沙館，鄰好彼克修。天機自明斷，南圖卷雲

水北拱戴霄漢，美名光史臣。長策何壯觀，驅馳數公

子咸願同伐，叛聲節哀有餘。夫何激衰懦，偏裨表三

上鹵莽，同一貫。始謀誰其間，迴首增憤惋。宗英李端

公守職甚昭煥，變通迫脅地。謀畫焉得筭，王室不肯

微凶徒畧無憚。此流須卒斬，神器資強幹。扣寂豁煩

襟，皇天照嗟嘆。

聶耒陽以僕阻水書致酒肉療飢荒江詩得代  
懷興盡本韻至縣呈聶令陸路去方田驛四十



不成詩

里舟行一日時屬江漲泊于方田

耒陽馳尺素見訪荒江眇義士烈女家風流吾賢紹

昨見狄相孫許公人倫表前期刊作朝翰林後屈跡縣

邑小知我碍湍濤半句獲浩漕漕玉篇以沼切上塵賦浩漕潢漾

下殺元戎湖邊有飛旄孤舟增鬱鬱僻路殊悄悄側

驚猿猱捷仰羨鶴鶴矯禮過宰肥羊愁當置清醪人

非西喻蜀興在北坑趙方行榔岸靜未話長沙擾崔

師乞已至澧卒用矜少問罪消息真開顏憩亭沼問

侍御濕乞師于洪府師已至袁州北楊中丞琳問罪將士自澧上達長沙矣

杜工部集卷八終



--	--	--











